



Inatsisartunut ilaasortaq Stine Egede, Inuit Ataqatigiit

### **§ 37 naapertorlugu apeqqummut 2018-244-mut, misileraalluni timmisartorneq pillugu akissut**

26-09-2018  
Suliaq normu: 2018-18725  
Id. normu: 33618036

Asasara Stine Egede

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Inatsisartut Suleriaasianni § 37 naapertorlugu apeqquqteqaammik nassiussivutit. Apeqqutit matuma kinguliani ataasiakkaarlugit issuarneqarput, akissuteqaatinik malitseqartinneqarlutik.

#### **Apeqquq 1: Qaqortumi timmisartunut sulusalinnut mittarfiliornissamut pilersaarut sumut killippa?**

Akissut: Mittarfiit sananeqarnerminni ilusiligaanerat aammalu isumannaallisakkanut killigitat 2018-mi januaarimi Trafik-, Bygge- og Boligstyrelsen-imit suliassap ilaatut akuersissuteqarfigineqarpoq. Tamatuma kingunerisaanik sumiiffimmi 1.500 meterimik mittarfiliortoqarsinnaavoq, naggataatigut timmisartumik angallannermut oqartussanit akuersissuteqarfigineqartussamik. Suliassap ilaatut akuersissuteqarnermi mittarfiup ulluinnarni atorsinnaassusia aamma missinnaassutsip akulikissusia isummerfigineqanngillat, kisianni timmisartornermi isumannaallisaanermut tunngasortai kisimik isummerfigineqarlutik. Mittarfiup sukumiisumik sanaartornissaanut pilersaarusionerq sulii naammassinngilaq.

#### **Apeqquq 2: Timmisartut mikkiartornerminni silaanaap aalarulunneranik sunniitai qaqugu misissorneqassappat?**

Akissut: Silamat tunngasut aalarulunnernut unammilligassaqartitsisartut takkusimaarnerat nalliunniariarpat, misileraalluni timmisartornerit ingerlanneqartussaapput. Taakkua nalinginnaasumik ukiap aamma ukiuunerata qaammataanni takkussimaartarput. 2018-imi upernaakkulli suliassami suleqatigiit tassaasut Kalaallit Airports A/S, Mittarfeqarfiit, Air Greenland, ASIAQ aamma FORCE, Qaqortumi mittarfimmut tikikkiartornermi aalaruluttarnernut misileraalluni timmisartornerit aallartinnissaannut piareersimapput.

#### **Apeqquq 3: Naalakkersuisut apeqquq apeqqutip aappaani pineqartumut misileraanissamut immikkut aningaasaleereernikuuppat?**

Akissut: Naamik, misissuineranut aningaasartuutit Kalaallit Airports A/S-imit akilerneqarput.

#### **1. Apeqquq 4: Sunik allanik suliamut tassunga tunngassutilimmik Naalakkersuisut paasissutissaateqarpat?**

Akissut: Naalakkersuisut allanik ilanngussassaqaanngillat.

### **Apeqquut 5: Misissugassat allat suut amigaataappat?**

Akissut: Kalaallit Airports A/S makkuninnga paasissutissiivoq:

”Qaqortumi mittarfimmut 1.500 meterimik mittarfitalimmut pilersaarusionerup ingerlanera annertoq 2016-imi upernaakkulli ingerlasimavoq. Immikkoortumi tassani ilaatigut ilaatinneqarput isumassarsianut isummernissamut tunngavissiaq, misissueqqaarnerit, sanaartornissamut pisussanut pilersaarut kiisalu terminalip illutaannut illussanik titartaasartunik unammisitsineq. Tassunga tullinnguullugit pilersaarusioneremut oqartussani, pinngortitamut avatangiisinullu oqartussani kiisalu timmisartumik angallanneremut oqartussanit akuersissuteqarnissat pisariaqartut pillugit qinnuteqaatit arlallit. Misissueqqaarnerit tamarmik – misileraalluni timmisartornerit saniatigut – ingerlanneqareerput aammalu nalunaarusiorneqareerlutik.

Oqartussanit akuersissuteqarnissat pisariaqartut hunnorujut arlallit suliassap ineriartornera aammalu siumukarnera ilutigalugu, ulloq taanna ammarfissaa, mittarfiup timmisartumik silaannakkut angallanneremut oqartussanit inaarutaasumik ataatsimoortillugu akuerineqarfissaa tikillugu, ingerlaavartumik qinnuteqaatigineqassapput akuerineqartassallutillu. Mittarfiup sanaartornissaanut pilersaarusionerup ingerlaneqarnerpiala qaammatinik 5-6-inik sivilissuseqassasoq naatsorsuutigineqarpoq. Tamatuma kingorna mittarfippiamut sanaartorneremut suliassaq aamma sanaartorfissagissaanissaq neqeroortitsivigalugit nassiunneqassapput. Taamatuttaaq illutaasa sanaartornissaat pilersaarusioneqassaaq aammalu neqeroortitsivigalugit nassiunneqassallutik. 2018-imi ukiaanerani politikikkut aalajangiisoqassappat, mittarfik 2023-imi ukiaanerani ammaanersiorneqassasoq naatsorsuutigineqarpoq. Sanaartorneremut illulioriternermullu immikkoortumut ingiaqatigitillugu sanatitsisup pilersuutaattut atortut aamma atortussat mittarfiit ingerlanissaannut pisiarineqassapput.”

Neriutigaara matuma siulianiittuni apeqquutit akineqarsimassasut.

Inussiarnersumik inuulluaqqusillunga

  
Simon Simonsen